

越縵堂日記

第三十四冊

荀學齋日記上



光緒六年庚辰三月十七日甲申晴下午有風散霽 獻之來 爽煉

來金志甫來黃福珍來均不略 竹簣來 下午詣劉仙洲夫人言請

心雲為教夫攝館事 磨子疇來任秋田孝廉來 心雲來雲門來共夜

飯諒至二更去 夜有雨是日望

師鈔

右春坊右庶子王先謙轉左春坊左庶子翰林院侍讀洪鈞升右庶子

十八日己酉晨小雨終日薄霽 午前出右安門詣花之寺赴竹簣之招坐有

劉叔儀雲門履範仙王銘榮是日天氣輕陰極宜游賞惜今年海棠花事甚簡

佛殿前高若三樹止作數十花耳晡後入城迂道至白紙坊游崇教寺自至

申至此已八年矣殿院新修工作未已花樹掩映金碧璨然再觀青松紅杏
圖卷角晚歸 寶卿來族弟慧叔來吳介堂來均不值 得跋庭丈

書 殷寧庭饋有饌四器 邑館約二十五日團拜 戶部陝西同司約廿

四日文昌館團拜 夜有大風 廿年歲次千賞李升四千升兒六千葉更五千

郎鈔鑲黃旗蒙古都統明慶奏請因病開缺

詔該部統年踰八旬在御前侍衛當差及管理神機營等處事務歷有年
所前在各路軍營打仗著有功績加恩賞給人蔭六兩藉資調攝並賞食全
俸准其開缺安心調理

上諭御史世太秀奏庫儲支絀放款不敷請量為變通一摺據傳內務府銀
庫款項入不敷出必應寬為籌備各省捐例已停惟戶部尚有常捐之例擬將

內務府三旗人負報捐虛銜各等花樣均歸內務府自行的辦該捐主上先後
即將實收赴該御史衙門換照以便互相核對等語覽奏實堪詫異國家
節制謹度量入為出自有常經如果內務府放款不敷該總管大臣自當斟酌
情形豫籌何得該御史越俎代謀瑣屑言利況常捐向由戶部核辦世
太等輒請於內務府設局報捐由該衙門核對換照紛更舊章尤非政體世
太秀文不勝御史之任均著回原衙門行走
翰林院侍講祥麟升右春坊右庶子

十九日丙戌晴大風

上午詣劉鶴山師家陪心雲上館

孺初來仲白

來不值 身熱多臥

金忠甫東約廿一日飲豐樓楊正甫東約廿五日

飲其家俱辭之

彼夫來

雲門來秀清來夜畱共飯

郎鈔

以江甯將軍穆騰阿為鑲黃旗蒙古都統管理神機營事務以黑龍江將軍希元調補江甯將軍以定安寶授黑龍江將軍

二十日丁亥晴風

身熱不止

閱徐星伯先生西域水道記

季士周來

錢筵仙來楊雪漁庶常來陳雲舫來張子虞來鄧鐵香來朱同年光榮來駱雲孫來楊優貢同標來俱以病謝 孺初來姜仲白來 夜

得子尊書為其婿陶君楷綬寄惠八金陶君南昌人祖籍會稽以丙子庶常為四川德陽令與余未謀面此饋實非意及者也作書復謝橋使五千

二十一日戊子晴大風下午少止

胡肖梅孝廉來以杭州新刻郭頻伽靈

芬館詞及七紫三羊筆五枝為贈尚臥不晤

昨夜頗款大作今日復謝

客 爽跡來朱同年炳熊來謝惺齋來施敏先來仲白及其徒孫咸
壽來俱不見 禊盒來 夜禊盒邀同煇卿竹簣心雲飲豐樓招
霞芬三夏後歸 付車錢四十

郎鈔

前福建布政使王德榜交左宗棠差遣安用

以內閣侍讀學士李宏謨為順天府府丞

二十二日己丑晴有風

作書致致夫致雲門致秋伊彥清

下午步詣

爽跡心雲俱不值坐劉氏齋頭為曾牧講壇弓四章唐詩一首留書致心雲
而出 陳同年熙治來朱同年毓廣葉同年秉鈞來王子棠來姚燧卿
來江敬所同年之子孝才來曾君表來俱不見 得致夫復秋伊復

夜臥疾動德甚

付族人王節婦錢六千 付更夫劉三起庸錢八千

郎鈔大學士裁辭奏請因病開缺

詔賞假兩月安心調理毋庸開

錄

江西廣信府知府孫鳳翔升廣東督糧道

二十三日庚寅晨霰霽上午晴下午多霽

潘鳳洲來

鬢頭

作書致爽冰饋以曼生壺一柄龍井茶兩餅

得雲門書 下午出

門答客詣邑館晤屠子疇任冰田馮吉雲乃廣久談而出詣駁筵仙晤談

諸胡首梅不值至餘姚館晤劉介臣及馮同年瑩至晚歸 彥清來

爽冰來楊正甫來陳同叔景綸來管惠農來均不飽 是日疲茶本極晚

又苦肝氣骨痛委頓之甚

得爽冰書

付中勝四千 買裕衣一領付銀三兩五錢

師鈔前福建延平府知府董兆奎授江西廣信府知府

二十四日辛卯晨及午晴下午霽晡後復晴 午後答客數家即詣

才登館同司園拜熱客爭席殊不可耐而演劇頗佳俟細冊四齣尤為
濃至日盱而歸 比日寓室東舍紫藤一架作花甚餘其側別有一

本樹槐而上花亦欣欣槐葉參差映綠彌豔適直幽息之疾兼以人事不

克坐詠其下今桑餘映小作句畱底不負嬾婆此樹也

付園拜分資十千
車錢六千

二十五日壬辰晴霽 比款款珠劇甚欲戲門昨已辭楊正甫飲今

日又作書辭錢范仙飲而主客分疏復承招致不得不力疾相應亦無謂之

人事矣 午前督童僕整理藤架欲使兩本枝條糾互花葉相當手自

扶攀頗覺勞動 彥清來 同鄉沈荇廉維善來不見 午後

出門客十餘家晤胡有梅小坐即赴正甫調甫兄弟之招肴饌頗精
中酒先反意圖惴息而淡上氣并嘔吐滿前遂不得瞑 夜詣廣和居
赴繆錢兩君之招不舉箸而出諸秀清春馥之飲招霞芬酒一行先歸
已三更矣疲苦之甚 未同年炳熊來王同年蘭來俱不值 夜款
益劇徹曉不瞑 廿車錢十三年

二十六日癸巳薄晴多霽

疲甚多臥

作書致心雲

鄧鐵香約

飲 心雲來

午後輕金藤花尚盛強起坐花下以漢書西域傳至舊

唐書回紇西域傳互勘徐星伯西域傳補注

從食來

雲門來

姜仲白來不晤此次考試考廉方正於昨日引見得知縣者九人仲白得教職
無以佐雜用者 馬同年寶璣來 四川新舉人廖登廷來俱不晤 傷

晚出客七八家即詣霞芬家與提會陟長心雲秀清梅卿王子裳胡
光甫為夢局以寶雲門作趾離余勉徇同人務隨作樂豈敢敗卿輩之
意聊亦發少年之狂悵恨金尊流連綺榻正梁簡文所謂不圖為樂一至
於斯若也酒未半已夜歸 付車錢八千

即鈔陝西巡撫馮譽驤奏參西安府知府林士班病軀衰憊請以原品
休致 從之

刑部郎中張岳年授西西安府遺缺知府

岳年鄭人至子整人六月馮譽驤奏以漢中府知府李樞調西安以岳年補漢中

二十七日甲午午初三刻十三分立夏四月節晴數霽有風 上午病

甚多臥 得竹簣片如觀劇文昌館 下午風小止坐藤花下閱黃表

審東觀餘論其首為法帖刊誤二卷甚有名言 官夫來雲門來久談

至晚官夫去偕雲門梅卿詣文昌館赴竹簣聽劇之招夜二更後歸疲困
尤劇五更疲動是夕寒可褰衣臥床不晤

邱鈔

詔前雲南巡撫潘鼎新前往直隸隨同李鴻章辦理營伍事宜

此皆以俄東
換約事召

若鼎新及劉秉璋間故能定安程文炳曾允志王德榜等凡十餘人秉璋以養親辭敬銘以疾辭皆不至

詔定此次會試中額三百二十三名浙江得二十五名

命蕭玉隆懃豫王本格禮部尚書徐桐兵部尚書廣壽侍郎朱智副都御史

程祖誥大挑各直省舉人

上諭裕祿奏已革江蘇候補道許厚如前經遞解回籍交地方官嚴加管束仍復
不安本分被控有案輒敢託稱貿易潛往廣東實屬故違法紀著兩廣總督

廣東巡撫迅將該革員查等委員押赴安徽由裕祿訊明嚴行治罪以肅功

詹事府左贊善高萬鵬升司經局洗馬

二十六日乙未晴 秋甚要痛 得雲門書 視會邀夜明日飲豐樓

劉同年福升來米同年宗祥來皆為浙江庚午團拜事 姜仲白來

下午坐藤花下閱西溪叢語 錢范仙來鍾尚賢來均不晤尚賢蓋太

僕少卿仰賢之弟以捐官入都者 是日頗寒鍾重繇

二十九日丙申 晴旬晚霽 閱東觀餘論 得紱丈書偕日記且言

外間傳余五策多及時事然余實無此事也即作復 秦秋伊來商王

孟調歸觀事公啟率資余因作書致謝惺齋 賊桑叔難游以惺齋至

申歲曾共議此事孰難足孟調疏感乙未歲孟調棺斂事皆其經理不
可不告之也 再得紱大書即復 雲門來 張芝圖以赴陝安道任來

辭行且索詩為別

伯晚赴鐵香宴賓齋之招坐為彌初獻之陳雲舫

楊惺吾惺吾將赴日本何如璋侍講之招聞何君辦東洋事頗有骨力流求
滅國之事漸有轉機又聞俄夷有內變又有上耳其 構衅之勢故知我

之翻約而不怒其復辭頗與大臣和議可成此兩事差可喜然我不謀自強
而恃人大臣持祿養交藉口成格展轉以便其私小臣以實緣為大道翫法
舞文鬼蜮百出士之進身者皆以無恥為進德作奸為修業上下以不狂為
狂昌言不諱人材愈壞風俗日下恐其憂方大也夜初更歸偕雲門等談
至三更後散 張丈贈吳中新刻鈕匪石等三布衣詩

三十日丁酉晴熱聞西洋寒暑表已到

矣

作送張芝園詩并

補作詩五首

殷夢庭來不晤

晤後出荅客數家晚赴禪會豐樓

之招與竹簣彥清胡光甫及張觀準給事等商四月上日團拜演劇事

夜雷電初夏後大雨亟驅車歸水滿衢中至櫻桃斜街雨聲尚繁出

大街漸小祇家則地已燥僅得小雨也

潘自疆主事開帛送奠分四十

作片致秦德珽孝廉辭明日之飲

心雲來不值

付車戲六千
繫頭

春夜飲豐樓酒家同禪會數次後大招霞芬

新幟酒人家紅樓四面霞燈光添綺戶欄影出名花密坐香能隔虛

極月易斜金尊好顏色相與惜芳華

入城六日歸視富園花樹示童奴

離家纔七日庭花多半開
向人如笑語馴雀亦哀回
暫時林下坐好風天上來
殷勤謂童僕莫便掃蒼苔

竹簣邀同雲門飲花之寺晚游白紙坊崇教寺觀智朴青松紅杏卷

二首

選信城南出微風導遠林
綠侵經院窄花隔畫廊深
野水緣鐘轉拳山受樹陰
片時禪榻語應證最初心

夕照輕陰郭迴車訪東花
山門分野色經閣帶林霞
香篆穿離細幡風曳柳斜
摩娑紅杏老觴詠想王查

卷中漁洋詩四首
初曰五十一首

春盡藤花盛開日坐其下

手種米藤本垂一繁餘知余
扶植意及爾長成初葉嫩侵
甌茗

花輕落几書時聞香梅再風動綠陰疏

張中允端卿備兵陝安索詩為別

山○南○雄○鎮○古○梁○州○特○詔○詞○臣○擁○碧○油○鎖○鑰○平○分○秦○地○半○文○章○高○

扼○漢○江○流○百○圍○金○匱○勞○增○秩○以實錄國文叙勞加三品銜十○隊○銀○刀○靜○運○籌○共○道○點○

蒼○三○較○貴○棠○花○柳○月○照○征○輜○謂令兄侍郎時督學吾浙張展雲而和

偕從金雲門心雲生藤花下作

跋○脚○藤○陰○見○主○賓○書○牀○茗○几○雜○然○陳○地○年○定○有○高○人○畫○一○架○襪○花○壓○

墊○巾○

郎鈔

上諭前諭李瀚章傳旨飭令已革總督張凱嵩來京茲據奏傳業已啟程著

到京後交吏部帶領引見聽候諭旨豫備召見

上諭都察院奏舉人邱敏光等以臺灣在籍副將林文明被殺冤抑伊母林戴氏
迭次京控案懸未結懇為奏請提京申雪等詞赴該衙門呈訴此案迭經降
旨令該督撫迅速辦結嗣據何璟奏明案情復諭令勒限嚴緝林萬得等歸
案訊辦現在逸犯是否已獲未據奏報仍著何璟等嚴行飭緝依限訊結
毋再遲延該舉人等所懇提京審訊著毋庸議

直隸永平府知府游智開升永定河道

本任道文沛告病